



## SCOLA MEDIA SPEZIALISADA SMS (FMS) E LA MATURITAD SPEZIALISADA

Ad ina scola media spezialisada pon vegnir acquistads il certificat SMS sco era la maturitad spezialisada.

### Scola media spezialisada SMS

Scolas medias spezialisadas SMS porschan ina scolaziun a temp cumplain che dura 3 onns. A partir dal segund onn tschernan las scholaras ed ils scolars lur champ correspondent a lur finamira professiunala futura. En il Grischun vegnan purschids ils champs da professiun sanadad, pedagogia e lavur sociala. Ultra da quai absolvan las scholaras ed ils scolars en il segund onn in praticum obligatoric da quatter emnas.

Il plan d'instrucziun cuntegna per regla ils suandants roms:

<b>linguas*</b>	emprima lingua naziunala (tudestg, talian u rumantsch) segunda lingua naziunala (tudestg, franzos, talian u rumantsch) terza lingua (anglais)
<b>matematica</b>	
<b>scienzas natiralas</b>	fisica / chemia / biologia
<b>scienzas socialas*</b>	geografia / istorgia / istorgia civica
<b>roms artistics</b>	furmaziun creativa musica
<b>ulteriurs roms*</b>	psicologia / tscherna da professiun infurmaziun e comunicaziun / informatica tecnicas d'emprender e da lavurar / lavurar a moda autonoma sport
<b>Roms facultativs*</b>	
<b>Champ da professiun sanadad</b>	biologia umana fenomens da las scienzas natiralas fisica e chemia psicologia / pedagogia / filosofia
<b>Champ da professiun pedagogia</b>	furma e colur musica fenomens da las scienzas natiralas psicologia / pedagogia / filosofia
<b>Champ da professiun lavur sociala</b>	economia da chasa / scienza dal nutriment psicologia / pedagogia / filosofia sociologia economia e dretg

\*sa differenziescha tut tenor scola

Y:\05 BSLB\01 Information\Dauerakten\Infoplattform 00 - 12\02 sich orientieren\Bildungswege\Maturität\Fachmittelschule FMS\211013-bslb-Scola media spezialisada SMS.docx

## Maturitad spezialisada

La maturitad spezialisada en il champ da professiun correspondent po vegnir acquistada entaifer in onn suenter avair terminà cun success la SMS. La scolaziun sto per regla cumenzar il pli tard trais onns suenter il diplom da la SMS.

### Maturitad spezialisada sanadad

I dat duas vias per acquistar la maturitad spezialisada sanadad:

- 1. via: in onn supplementar cun praticum
  - 5 emnas preparaziun dal praticum al Center da furmaziun per la sanadad ed ils fatgs socials (cfss/BGS)
  - almain 24 emnas praticum en in'instituziun da la sanadad
  - scriver e preschentar ina lavur da maturitad spezialisada che sa referescha al praticum
- 2. via: maturitad spezialisada sanadad durant il studi a la Scola spezialisada superiura per sanadad
  - durada: 6 semesters (incl. praticum)
  - scriver e preschentar la lavur da maturitad spezialisada en il 3. semester
  - diplom: diplom spezialista/spezialist da tgira SSS e maturitad spezialisada sanadad

### Maturitad spezialisada pedagogia

Per acquistar la maturitad spezialisada pedagogia vegn visità durant in semester la furmaziun generala a la Scola media evangelica Aschera. Tar ils roms tutgan: linguas, matematica, scienza natirala sco er ciencias umanas e socialas. Ils roms vegnan examinads a bucca e/u a scrit. Ultra da quai vegn pretendì che las scolaras ed ils scolars scrivan e preschentan las lavurs da maturitad spezialisada.

### Maturitad spezialisada lavur sociala

Per acquistar la maturitad spezialisada lavur sociala vegn pretendì ina pratica professiunala qualifitgada d'en tut 42 emnas. Da quellas emnas ston almain 24 emnas vegnir absolvidas en in'instituziun renconuschida dal sector social. Ultra da quai vegn pretendì che las scolaras ed ils scolars scrivan e preschentan las lavurs da maturitad spezialisada.

## Purschiders en il Grischun

champ da professiun	scola
sanadad	Academia Engiadina, Samedan* <a href="http://www.academia-engiadina.ch">www.academia-engiadina.ch</a>
pedagogia	Center da furmaziun Surselva, Glion <a href="http://www.bzs-surselva.ch">www.bzs-surselva.ch</a> Scola chantunala grischuna, Cuir <a href="http://www.bks.gr.ch">www.bks.gr.ch</a> Scola media evangelica, Aschera <a href="http://www.ems-schiers.ch">www.ems-schiers.ch</a>
Soziale Arbeit	Scola chantunala grischuna, Cuir <a href="http://www.bks.gr.ch">www.bks.gr.ch</a>

\*L'Academia Engiadina porscha ina prolungaziun da la scolaziun per in onn per sportistas/sportists da prestaziun e musicistas/musicists.

La Scola chantunala grischuna è responsabla per la maturitad spezialisada per il champ lavur sociala, il Center da furmaziun Surselva per la maturitad spezialisada per il champ sanadad e la Scola media evangelica Aschera per la maturitad spezialisada per il champ pedagogia.

## Admissiun

Per l'admissiun a las scolas da maturitad spezialisada SMS sto vegnir absolvi in examen d'admissiun chantunal unitar cun ina media da notas 4.0 (restricziun da vegliadetgna: 18 onns).

Examinads vegnan ils suandants roms: emprima lingua (tudestg, rumantsch u talian), anglais, matematica e geometria. Ils examens pon vegnir absolvids en la 2. u en la 3. classa da la scola superiura. Per las candidatas ed ils candidats da la 2. classa secundara quinta la nota d'admissiun sco ulteriura nota da rom. Quella vegn calculada ord la media da las notas dals roms geografia, istorgia, natira e tecnica, furmar creativ, musica, sco era moviment e sport dal emprim semester da la 2. classa secundara.

S'inscriver per ils examens d'admissiun pon ins sut il suandant link: [www.ahb.gr.ch](http://www.ahb.gr.ch).

L'entrada en la SMS succeda suenter la 3. classa da la scola superiura.

## Pussaivladads da sa furmar enavant cun il diplom da scola media spezialisada

Il attestat da la scola media spezialisada lubescha da visitar ina scola auta spezialisada el sector da la sanadad, pedagogia sociala ni da l'educaziun sco era ulteriurs champs da professiuns, sco per exempel:


<b>sanadad</b>	<ul style="list-style-type: none"> <li>• Activaziun SSS (HF)</li> <li>• Analitica bio-medicinala SSS</li> <li>• Igiene dentala SSS</li> <li>• Radiologia medicinal-tecnica SSS</li> <li>• Tecnica da l'operaziun SSS</li> <li>• Ortopetica SSS</li> <li>• Tgira SSS</li> <li>• Sanitad da salvament SSS</li> </ul>
<b>Fatgs socials, pedagogia</b>	<ul style="list-style-type: none"> <li>• Animaziun da vischnanca SSS</li> <li>• Educaziun d'uffants SSS</li> <li>• Pedagogia sociala SSS</li> </ul>

Sper il certificat da la scola media spezialisada basegni per regla in process d'admissiun, respectivamain in'examinaziun da qualificaziun e per part sto era vegnir absolvi in praticum.

In'ulteriura pussaivladad da sa scolar enavant suenter la SMS è da frequentar ina furmaziun professiunala scursanida (emprendissadi) tenor cunvegna cun l'inspecturat professiunal chantunal.

Il diplom da scola media spezialisada legitimescha er l'entrada en la 5avla classa gimnasiala, cun la recumandaziun d'eleger il rom d'accent tenor la cumbinaziun da roms dal diplom da scola media spezialisada.

## Midada en la scola media commerciala u gimnasiala



## Pussaivladads da sa perfecziunar cun la maturitad spezialisada

### Maturitad spezialisada sanadad

→ pussibilitescha l'access ad in studi a las scolas autas spezialisadas SAS en il champ da la sanadad, p.ex.:

- ergoterapia SAS
- cussegliaziun da nutriment SAS
- spendrera SAS
- tgira SAS
- fisioterapia SAS.

### Maturitad spezialisada pedagogia

→ pussibilitescha l'access ad in studi a las scolas autas da pedagogia (senza absolver il curs preliminar)

- persuna d'instrucziun per il stgalim prescolar (scolina)
- persuna d'instrucziun per il stgalim primar

### Maturitad spezialisada lavur sociala

→ pussibilitescha per regla l'access ad in studi a las scolas autas spezialisadas SAS dal champ social, p.ex.:

- lavur sociala SAS
- pedagogia sociala SAS
- animaziun socioculturala SAS
- psicologia SAS.

Purtadras e purtaders d'ina maturitad spezialisada pon studegiar ad ina universitad suenter ch'els han absolvi cun success in examen complementar (examen da passarella).

### ► Ulteriuras infurmaziuns

e sustegn obtegnais Vus en il BIZ. L'adressa dal BIZ en Vossa vischinanza chattais Vus sut:

[www.berufsbildung.gr.ch](http://www.berufsbildung.gr.ch) → Sur da nus → Lieu ed adressa → Cussegliaziun da professiun, da studi e da carriera

mail: [biz@afb.gr.ch](mailto:biz@afb.gr.ch)

Funtauinas:

Uffizi per la furmaziun media-superiura: [www.ahb.gr.ch](http://www.ahb.gr.ch), Scola chantunala grischuna: [www.bks.gr.ch](http://www.bks.gr.ch), Academia Engiadina: [www.academia-engiadina.ch](http://www.academia-engiadina.ch), Center da furmaziun Surselva: [www.bzs-surselva.ch](http://www.bzs-surselva.ch), Scola media evangelica Aschera: [www.ems-schiers.ch](http://www.ems-schiers.ch)